



სრკ-ს სადისციპლინო რეგულაციის დანართი # 7

ყვითელი ბარათების და/ან საითინგ კომისრის გაფრთხილებების აკუმულირება

- სადისციპლინო სამსახური განიხილავს მხოლოდ „ბინძური თამაში“-სთვის მიღებული ყვითელი ბარათების აკუმულირების ფაქტებს.
- ბინძური თამაში - რაგბის თამაშის 9.11-დან 9.28 ჩათვლით წესების დარღვევა.
- სადისციპლინო სამსახური განიხილავს ყვითელი ბარათების და/ან საითინგ კომისრის გაფრთხილებების აკუმულირების ფაქტებს სრკ-ს მიერ ორგანიზებულ დიდი 10-სა და I ლიგაში.
- სადისციპლინო სამსახური წერილობით აცხობინებს მოთამაშეს(მის კლუბს/გუნდს) რომლის მიმართაც დაიწყო ყვითელი ბარათების და/ან საითინგ კომისრის გაფრთხილებების აკუმულირების შემთხვევის შესაბამისი სადისციპლინო პროცესი.
- სადისციპლინო სამსახურიდან წერილობითი შეტყობინების მიღების შემდეგ, მოთამაშე შეზღუდულია თამაშის დღეს სათამაშო პერიმეტრში ნებისმიერი აქტივობისგან დისციპლინარული პროცესის დასრულებამდე.

1. სადისციპლინო პროცესი ორი ყვითელი ბარათის ან ორი საითინგ კომისრის გაფრთხილებების და/ან ყვითელი ბარათსა და საითინგ კომისრის გაფრთხილებების დროს ერთი თამაშის განმავლობაში.

- 1.1. სადისციპლინო სამსახური განიხილავს მოთამაშის ქმედებებს რომელიც თამაშის დროს ორი ყვითელი ბარათის გამო იქნა გაძევებული მოედნიდან.
- 1.2. სადისციპლინო სამსახური განიხილავს მოთამაშის ქმედებებს რომელმაც ერთი თამაშის განმავლობაში მიიღო ორი საითინგ კომისარის გაფრთხილება ან ერთი ყვითელი ბარათი და ერთი საითინგ კომისრის გაფრთხილება.
- 1.3. სადისციპლინო კომისია, 1.1 და 1.2 პუნქტების მიხედვით დაწყებული სადისციპლინო საქმის განხილვისას, უფლებამოსილია არ დაუჭიროს მხარი რომელიმე და/ან ყველა ყვითელ ბარათ(ებ)ს და/ან საითინგ კომისრის გაფრთხილებას და არ მიმართოს მოთამაშის სანქცირებას თუ:
 - ა) დააგენს რომ რომელიმე ან ორივე ყვითელი ბარათი და/ან საითინგ კომისრის გაფრთხილება გაცემული იქნა მოთამაშის არასწორი იდენტიფიცირების გამო; ან
 - ბ) არ ჩათვლის რომელიმე ყვითელ ბარათს და/ან საითინგ კომისრის გაფრთხილებას, ბინძურ თამაშად;



სრკ-ს სადისციპლინო რეგულაციის დანართი # 7

2. სადისციპლინო პროცესი სამი (შვიდკაცა რაგბის ტურნირის დროს ხუთი) ყვითელი ბარათის და/ან საითინგ კომისრის გაფრთხილების აკუმულირების ნებისმიერი სახის ერთობლიობის დროს ერთი და იგივე სათამაშო სეზონის/ტურნირის განმავლობაში.
- 2.1. სადისციპლინო სამსახური განიხილავს მოთამაშის ქმედებებს, რომელსაც ერთი და იგივე სათამაშო სეზონის/ტურნირის განმავლობაში დაუგროვდა სამი ყვითელი ბარათი ან სამი საითინგ კომისრის გაფრთხილება და/ან სამი ყვითელი ბარათისა და საითინგ კომისრის გაფრთხილების ნებისმიერი სახის ერთობლიობა.
- 2.2. სრკ-ს მიერ ორგანიზებული ტურნირის/შეჯიბრის ორგანიზატორმა(მენეჯერმა) წერილობით უნდა მიმართოს სადისციპლინო სამსახურს, მიაწოდოს ყველა შესაბამისი დოკუმენტაცია და მასალები, 48 საათის განმავლობაში იმ მატჩის დასრულებიდან, რომლის დროსაც დადგა 2.1 პუნქტით განსაზღვრული გარემოება.
- 2.3. სადისციპლინო კომისია, 2.1 და 2.2 პუნქტების მიხედვით დაწყებული სადისციპლინო საქმის განხილვისას უფლებამოსილია არ დაუჭიროს მხარი რომელიმე და/ან ყველა ყვითელ ბარათ(ებ)ს და/ან საითინგ კომისრის გაფრთხილებას და არ მიმართოს მოთამაშის სანქცირებას თუ:
 - ა) დააგენს რომ რომელიმე ან ორივე ყვითელი ბარათი და/ან საითინგ კომისრის გაფრთხილება გაცემული იქნა მოთამაშის არასწორი იდენტიფიცირების გამო; ან
 - ბ) არ ჩათვლის რომელიმე ყვითელ ბარათს და/ან საითინგ კომისრის გაფრთხილებას, ბინძურ თამაშად;

3. სანქციები

- 3.1. ორი ყვითელი ბარათის ან ორი საითინგ კომისრის გაფრთხილების და/ან ყვითელი ბარათის და საითინგ კომისრის გაფრთხილების დროს ერთი თამაშის განმავლობაში, მოთამაშის დისკვალიფიკაცია შესაძლებელია იყოს **ერთიდან ორ კვირა/თამაშამდე**, დარღვევების სიმძიმის ხასიათიდან გამომდინარე.
- 3.2. სამი(შვიდკაცა რაგბის ტურნირის დროს ხუთი) ყვითელი ბარათის და/ან საითინგ კომისრის გაფრთხილების აკუმულირების ნებისმიერი სახის ერთობლიობის დროს ერთი და იგივე სათამაშო სეზონის განმავლობაში, მოთამაშის დისკვალიფიკაცია შესაძლებელია იყოს **ერთიდან სამ კვირა/თამაშამდე**, დარღვევების სიმძიმის ხასიათიდან გამომდინარე.